

Handwritten text at the top left, possibly a name or address, written in a cursive script.

Handwritten text at the top right, possibly a name or address, written in a cursive script.

Handwritten text in purple ink, possibly a name or title, written in a cursive script.

Small handwritten text or mark, possibly a date or initials, written in purple ink.

Large handwritten text in purple ink, possibly a name or title, written in a cursive script.

Handwritten year '1915' in purple ink.

Handwritten text in purple ink, possibly a signature or a list of names, written in a cursive script.

Handwritten signature or initials in purple ink, written in a cursive script.

ბებელი

№ 1

მართლმადიდებელი

ქართული
იუმორისტული
— ჟურნალი

Handwritten red notes and stamps, including the word "საქართველო" (Georgia).

ფასი 10 კაპ.

3306, 1 მარტი

1915 წ.

5111



აკაკი

საფლავი დაიხურა და სამუდამოთ დაჰფარა აკაკის სახე.

ჩვენ, მისი თანამედროვენი, ბედს ვერ შევჩვილებთ:

არა ერთხელ გვინახავს აკაკის სახე.

ვერც ჩვენი შთამომავლობა დაემდურება ბედს: იმათაც შეეძლებათ აკაკის სახის დანახვა:

— აკაკის თხზულებებში.

მაგრამ ჩვენ მაინც უფრო ბედნიერები ვართ:

ჩვენ ვნახეთ აკაკის ღიმილი, აკაკის სიარული, აკაკის მიხვრა-მოხვრა, მოხუც აკაკის ბავშური სახე— ნათელი და გაშლილი— მისი ზეცისაკენ აწეული თავი და დედამიწისაკენ დაშვებული თვალები...

ჩვენ გავიგონეთ აკაკის ხმა, ნელი და ტკბილი, როგორც გრძნეულ ტყის ნაზი შრიალი.

მოვისმინეთ აკაკის ლაპარაკი, ლაღი და დაუდევარი, მარგალიტის მძივივით ასხმული და გაზაფხულის ნაკადულივით საამური.

ჩვენ ცოცხალი აკაკი ვნახეთ...

ჩვენ ვიგრძენით და განვაცდეთ მისი მუნყოფა.

ჩვენ შეგვიძლია ვსთქვათ:

— აკაკი და ჩვენ ერთად ვცხოვრობდით!

ჩვენ ვნახეთ მიწიერი აკაკი, მოკვდავი აკაკი. მოკვდავ აკაკის დღეისამიერ ვედარავინ ნახავს, ვერასოდეს.

ჩვენ კი ვნახეთ და გვიხარიან, ბედნიერნი ვართ. ჩვენი შთამომავლობა მხოლოდ უკვდავ აკაკის ნახვას შესძლებს.

ის იხილავს მის პოეზიის ყვაილს, მშვენიერსა და მარად უქკნობს.

იყნოსებს იმ ყვაილის სურნელებას, ნახს, ძლიერსა და დაუშრეტელს...

მაგრამ ბროლის ლარნაკს, ბროლის საყვავილეს, რომლის თლილ ზღუდეებში მზის სხივები თამაშობდა და ნიადაგ იცინოდა,—ველარ, ველარ ნახავს:

რადგან ეს ბროლის ლარნაკი იყო მოკვდავი აკაკი და ჩვენ იგი დავმარბეთ სამუდამოთ.

მე მრწამს, რომ ჩვენი შთამომავალნი ყველფრით ჩვენზე ბედნიერნი იქნებიან და—კაცი ვარ, ადამიანი—მშურს კიდევ მათი ბედნიერება.

მაგრამ ისინი ვერ ნახვენ ცოცხალ აკაკის, მიწიერ აკაკის, და ამ მხრით ჩვენზე უბედურნი იქნებიან...

როგორც ადამის შვილთ, იმათაც მართებთ ჩვენკენ შურის თვლით მოხედვა ..

ერთხელ, ამ რამდენისამე წლის წინათ, რიონის სადგურის ბაქანზე მატარებლის მოლოდინე ხალხი ირეოდა.

ამ ხალხში, სხვათა შორის, ერთი ხანში შესული გლეხი იყო, მძიმე სამგლოვიარო „ხამის“ ჩოხიანი და ყაბალახის მაგიერაც «ხამისავე» ჩვარი ეხვია თავზე.

ხუთი სადგური გამოვიარეთ ერთად, ერთ ვაგონში, და ისე იჯდა ის კაცი უძრავათ და უტყუათ, რომ ეტყობოდა ძლიერ ახლობელი და საყვარელი ვინმე დაემარხა.

ახლა სადგურის კედელს მიყრდობოდა და გამშრალ თვლებით სივრცეში იცქირებოდა.

მატარებელი მოვიდა და ვაგონებიდან ფუტკარივით გამოცვივდნენ მგზავრები.

უცებ ხალხში უცნაური ჩოჩქოლი და ფუსფუსი ატყდა.

—აკაკი! აკაკი! აკაკი!—გაისმა ირგვლივ და ხალხი ერთ კაცივით დაიძრა იმ ვაგონისაკენ, რომლის საფეხურებზე წელა ჩამოდიოდა მოხუცი მგოსანი.

იმ ვაგონის გასწვრივ თვალის დახამხამებაში მგოსნის თაყვანისმცემელთა ცოცხალი ხეივანი გაკეთდა და ამ ხეივანში ღინჯათ გაიარა მომღიმარე მოხუცმა.

ის იყო, სადგურის კარებში უნდა შესულიყო, რომ მარჯვნივ შემომგესმა ვიღაცას აჩქარებული სიტყვები:

—სად არის, სადა? ერთი მანახვეთ! სად არის აკაკი?

მივიხედე და მხოლოდ შავ ზურგსა და კეფაზე შეკრულ ძაძის ჩვარს მოგკარი თვალი, რადგან სწრაფათ შესდია მგოსანს სადგურში...

სადგურიდან რომ გამოვიდა, თვლები უბრწყინავდა და ტუჩებზე ღიმი უთრთოდა.

ქუთაისის სადგურზეც დაეინახე ის მგლოვიარე გლეხი: მის მოდუნებულ სახეს ხალისი ეტყობოდა.

აი, რა სასწაული მოახდინა აკაკის წუთიერმა ნახვამ უნუგეშოთ მგლოვიარე გლეხზე. განა ჩვენც, მთელი ქართველი ვრი, მთელი საქართველო, იმავ გლეხს არა ვგევართ?

და განა ქართველ ერისთვისაც ისევე ნუგეშინის მცემელი არ იყო აკაკი, როგორც იმ გლეხისათვის?

განგების მიერ გამორჩეულ ადამიანთა ხალხზე გავლენა მარტო მათი ნაღვეწით როდი განისაზღვრება.

დაუფასებელია ის გავლენაც, რომელსაც მათი პიროვნება, მათი მუნყოფა ახდენს.

ამ მხრით აკაკის სიკვდილი განსაკუთრებით აუნაზღაურებელია...

კრება

კამათი მეტად საყურადღებო საგნის გარშემო ტრალებს და ყველა გულ დასმით უსმენს ორატორის სიტყვას.

უცებ კარები გაიღება და შემოვა აკაკი.

—აკაკი მობრძანდა, აკაკი მობრძანდა!

მთელი კრება ერთბაშით ფეხზე წამოდგა და ყველანი აკაკისკენ იცქირებიან.

დარბაზში საერთო სიამოვნების ღიმილმა დაიმკვიდრა, ნაზ სიხარულის ღიმილი დაეკიდა ჰერში და ყველას სახეზე აღიბეჭდა.

დასხდნენ.

ორატორი განაგრძობს.

მაგრამ დამსწრეები კვლავინდებურის სიბეჯითით ველარ უგდებენ ყურს, რადგან მათი გაბრწყინებული თვალებიც, მათი ფიქრებიცა და გულსიყუარიც იმ შევერცხლილ მოხუცს მოუტაცნია, მისან ტირებისავით რომ ზის ვეგერ, პირველ წყებაში.

—რას ფიქრობს აკაკი ამ წუთში?

—რამდენ ხანს დარჩება?

—იტყვის თუ არა რასმე?

აი რა კითხვები უტრიალებს ყველას თავში... ან კიდევ:

აკაკიმ მხოლოდ გაიარა სადმე ვთქვათ, თეატრის დარბაზში, საცა მრავალი ხალხია შეკრები-

ლი, — გაიარა მხოლოდ: არც კი დალაპარაკებია ვისმე, არც ვისთვისმე შეუხებდავს...

ყველას თვალები მას გაჰყვა და, რომ მიიმა-
ლა, ისეთი გამომეტყველება დარჩათ იქ მყოფთ სა-
ხეზე, როგორც პატარა შევირდებს აქვთ ხოლმე,
როცა მათ ოსტატი მოეფერება.

გრძნობ — ყოველსავე ამას და აღტაცებით
ჭეიქრობ:

— ეს რა ძალაა? რა უცნაური თვისება აქვს
აკაკის:

— თავზე ხელი არ მოუსვამს და მომეფერა კი!

— ერთი სიტყვაც არ უთქვამს და მომეაღერ-
სა კი!

— არც კი შემოუხებდავს და სიხარულის შუქი
კი მომანათა!

აღარ მახსოვს ქუთაისში მოხდა თუ თფილისში:
სალიტერატურო საღამო იყო და აკაკიც მო-
ნაწილეობდა.

დადგა აკაკის გამოსვლის რიგი,
დარბაზი აღელდა.

გამოჩნდა თუ არა აკაკი, თეატრის კედლები
ტაშმა და „ვაშამ“ შეაზანზარა.

ნელის და მოკლე-მოკლე ნაბიჯით წამოვიდა
ავანსცენისაკენ, თავისებურის სიარულით, თავაწე-
ული და თვალზე დაშვებული და შუა ალაგას გა-
ჩერდა გაღიმებული.

ხალხის მღელვარეას ბოლო არ უჩანს.

აკაკი კი დგას, მორჩილებით უცდის და იღიმება.
ბოლოს, როგორც იყო, დაწყნარდა დარბაზი.

— ცა-ფირუზ, ხმელეთ-ზურმუხტო,
ჩემო სამშობლო მხარეო...

გასმა აკაკის ნელი ხმა და დარბაზში ისეთი
დუმბილი გამეფდა, როგორც ახლა მგოსნის სამარე-
ში სუფევს.

ეს ლექსი გაათავა და მეორე დაიწყო, არ
მახსოვს რომელი.

რაქდენიმე ტაეზი თავისუფლათ სთქვა, მაგ-
რამ მეხუთე თუ მეექვსე ტაეზზე უცებ შედგა და
ისევ თავიდან დაიწყო იგივე ტაეზი.

კიდევ შედგა იმავე ადგილას და კიდევ დაუბ-
რუნდა.

მესამეჯერაც ვეღარ მოიგონა, გაჩერდა და სა-
ხეზე წყენა დაეტყო.

ამ დროს მოხდა საკვირველი და თან სასაცი-
ლო რამ, რაც აკაკისთვის ძალიან დამახასიათებელია.

ერთსა და იმავე დროს მოისმა ლექსის გავრ-
ძელება ქანდარაზე, პარტერში და კულისებში.

რაკი დარწმუნდენ დამსწრეები, აკაკი ვეღარ
მოიგონებსო, გაჰბედეს და, შევირებულებივით, ერ-
სა და იმავე დროს, სხვა და სხვა ადგილიდან და-
იწყეს კარნახი.

აკაკის გაეცინა და დარბაზშიც ხარხარი მოისმა.
ნეტა რა გაეცინა აკაკის?

გაეხარდა, რომ მისი ლექსები ზეპირათ სცოლ-
ნიათ და იმისი იყო ეს სიცილი...

თუ გაიფიქრა:

— ეჰ! ცუდათ არის საქმე! სიბერემ ისე დამ-
ჯაბნა, რომ მესხიცრებაც დამეკარგა. რას ვაწუხებ
ამ ხალხს, განა ვეღარ მივხვდი, რომ ზეპირად ლექ-
სის თქმა აღარ შემიძლიაო, და თავის თავს დას-
ცინა?!
თუ ასე ფიქრობდა, მაშინ მე ვიცი, რასაც იფ-
იქრებდა დამსწრე ხალხი ამის საპასუხით:

— განა შეიძლება, ჩვენო ვერცხლის მგოსანო,
რომ შენ ჩვენ რითიმე შეგვაწუხო? შენ ოღონდ
დაგვენახე ხოლმე მაგრე მაღალ ადგილიდან, რომ
ყველანი თავით ფეხამდე ვუყურებდეთ საყვარელ
აკაკის, ოღონდ შენი ღიმილი გვიჩვენე და შენი
ხმა გავგავგონე, თორემ შენ დაწერილ ლექსებს გა-
ნა ჩვენ კი ვერ დავისწავლით, რომ შენ არ შეგა-
წუხოთ მათი გაზეპირებით?..

ახლა ჩვენ მხოლოდ ყვავილი დავგერჩა, აკაკის
პოეზიის მშვენიერი ყვავილი.

ბროლის ლარნაკი, რომელშიაც ეს უცხო ყვა-
ვილი იყო და რომლის თლილ ზღუდეებში სამშობ-
ლო მზის სხივები თამაშობდა და წიაღავ იცინო-
და, აღარ არის, დავმარხეთ.

დავმარხეთ ვერცხლის ზარი, მაგრამ მისი
მთრთოლოვარე რეკა ჩვენთან დარჩა, ჩვენს გულში
ჰკანკალებს...

იგი ისმის ჩვენ ფირუზ ცაში, ზურმუხტ ხმე-
ლეთში:

ყველგან, სადაც ქართველი ცხოვრობს...

შალვა შარაშიძე.



მ ზ ი ნ ა ყ ე

პატივცემულო მკითხველებო! გვიბოძეთ ნება, ჩვენი ჟურნალის გზა გაგაცნოთ, მიმართულება.

თავს არ შეგაწყენთ: მოკლეთ მოვჭრით, ორი-ოღ სიტყვით;

წინასწარ ვიცით, რასაც ზოგნი თქვენგანნი იტყვიან:

— სიცილ-ხარხარი, ოხუნჯობა განა გშენითო, როს დაგეტრიალებს საშინელი ომი ქშენითო!.. როს თითო წუთში ასი კვდება კბილთა ღრქენითო, და ლამის მიწამ გაიაროს ყავარჯენითო?

მართალი გახლავთ, საოხუნჯო ჩვენი ჟურნალი, ტყვიით დაქრილთა ვერ იქნება შემწე-მკურნალი, მაგრამ ვინა სთქვა, რომ ეშმაკი აქიმიანო, ან და თავუნამ შეისწავლა აღქიმიანო?!

ჯარის კაცი ვართ, და, ვით მხედართ, ბრძოლა გვეწყურია, ასპარეზისკენ მიგვიწოდებს სამსახურია!

ჩვენ ვერ მივბაძავთ იტალიას, ვერც ბულგარეთსა, რომელთ ყოყმანმა დააბერა მზეც და მიფარეცა!

ვერა, ვერ ვუცდით სხვის ნასუფრალს და სხვის წყალობას... გვეყო ლოდინი: აჰა ვარღვევთ ნეიტრალიობას!

ჩვენ არც თოფი გვაქვს, არც გვარტყია წელზე ხმალია, ჩვენი „ხანჯალი“ ორთავეზე მჭრელი, მალა:

ნახმლევს, ნატყვიარს ხშირათ ჰკურნავს მალამო ტუბილი, ხოლო ვისაც კი გაეკრება დაცინვის კბილი, მას ვერ მოარჩენს დოსტაქარი, ვერც მოწყალე და: მიი ქრილობა ისე რჩება დღესაც, ხვალე და სამარადისო წყლული ხდება, იარა ღია!

ჰხედავთ დაცინვა რა საშიში იარაღია?

ტყვიით განგმირულს ბრძოლის ველზე გმირს უწოდებენ და მის საფლავზე ცრემლს აფრქვევენ, მწარეთ ჰგოდებენ, ხოლო სიცილი ვისაც დასცემს, გლოვისა წილად — მას გაბახება და შერცხვენა ერგება წილად...

ვითვალისწინებთ რა ზემორე დაწერილს, თქმულსა, აწ აღვიარებთ: ჩვენ არ ვიცნობთ არც „რძალს“ არც „მულსა“, არც „ჩვენს“ არც „სხვისას“, არც „დიდ კაცსა“ და არცა „მცირეს“, არც ივანიკას, არც გოგიას, არცა პორფირეს!..

ჩვენ საპირადოს, პიროვნებას, არ შევხვებით, მხოლოდ ზოგადსა ვეკვებით პირ-გამეხებით;

კერძო ცხოვრება ქორიკანა დიაცსა ჰქონდეს: ნუ შევეცილებით, რომ კეკელა არ დაგვიღონდეს, გარნა ზოგადსა რასაც ვნახავთ ჩვენ სასაცილოთ, მყის ისარს ვტყუორცნით და ვეცდებით, — არ ავაცილოთ.

თავუნა.



გ ზ ი ნ ა ყ ე

საარაკო სტრატეგიული გეგმა.

ჟურნალი „თეატრი და ცხოვრება“ სწერს:

„შტ. როტმისტრი მიხეილ ალექსანდრეს-ძე წერეთელი გმირულად ბრძოლის დროს მოკლულ იქმნა პრუსიის საზღვარზე, კარპიტის იქით“

ყოველივე ექვს გარეშეა, რომ ავსტრო-უნგრეთიდან კარპატის მთების პრუსიის საზღვარზე გადატანას ღრმა სტრატეგიული მოსაზრება უნდა ედოს სარჩულათ.

დიდი გამჭრიახი სარდალია ეს ჰინდენბურგი, თუმცა ამ საარაკო გეგმის განხორციელებაში უმთავრესი ღვაწლი ჩვენს თანამემამულეს, ბ-ნ იოსებ იმედაშვილს, უნდა მიუძღოდეს.

მოსარაზული ღოგა.

საყმაწვილო ჟურნალ „ნაკადულოში“ მეურნე გაგლოშვილი სწერს:

„უღობოთ ზოსტნის გაკეთება არ შეიძლება... საუკეთესო — ცოცხალი ღობეა... რავენ ეკლიან ხეებს — გლედიჩიას“. გლედიჩიას დათესვამდი მოხარშვა უნდა... გლედიჩიის შემდეგ პირველი ადგილი ფშატს ეკუთვნის... ფშატს მოხარშვა არ სჭირია.

გვიკვირს, ბ-ნ გაგლოშვილმა გლედიჩიის შემდეგ პირველობა რატომ ფშატს არგუნა და არა ძეძვს. იქნება ავტორმა არ იცოდა, როგორ ითესება ძეძვი?

ჩვენ მოვავანებთ:

ძეძვის თესლი ჯერ ტაფაზე ერბოში კარგად უნდა მოიხრაკოს, შემდეგ უნდა მიეცეს საკმარის მარილი [შეიძლება ცოტა ნიორიც] და დაი-

თესოს. პირობას ვდებთ, რომ ამრიგათ შემზადებულ-
ლი ძეგლის თესლი არანაკლებ იხარებს, ვიდრე მო-
ხარშული გლედიჩია.

გ ა დ ა ი ლ ს !

გაზეთ „სახალხო ფურცელში“ სწერია:

„ვორონცოვის ქუჩაზე, ჩითახოვისეულ ქარხნის
შენობაში, რომლის ახლო-მახლო დიდძალი ლა-
რიზი ხალხი ბინადრობს გ ა დ ა ს ა დ ე ბ ს ე ნ ი-
ანთა ბარაკს აწყობენ. რაში არის საქმის გა-
რემოება?“

მართლაც და რაშია საქმის გარემოება? ვთხოვთ
„სახალხო ფურცლის“ რედაქციას, თუ სენი მართ-
ლა „გადასადებათ“ მიაჩნია, მოიღოს მოწყალეობა და
ომის გათავებამდე მაინც გადადოს.

მ ა მ ბ ი ლ ი წ ა ც ი ა

აწ ცნობად ვაცხადებ საყოველთაოდა:
დრო იყო, „**ემშაკის მათრახი**“ ჰყვოდა!..

ჰყვოდა, ვითარცა
წალკოტი ედემის;
ჰხარობდა ყოველი,
ვისაც კი ეგემის.

ურიცხვი ეხვია გარს მტერი, მოყვარე...
ანგელოზთ ჯიშისა, ეშმაკთა მოგვარე!

ურიცხვი ეხვია
მამრნი, თუ მდედრები;
ყოველი კლასისა:
ღარიბნი, მდიდრები.

და ჰქონდა მეჯლისი კულს მისას მწარესა,
ყოველთა უბანთა, ყოველსა მხარესა.

და ჰქონდა მოღობენა
ყოველისა ჟამითა:
ღილით, გინდ საღამოს,
ღლითი, გინდ ღამითა!..

და ესრედ მას ჟამსა „მათრახი“ ჰხარობდა,
რამეთუ „ემშაკი“ ვარგისად ხმარობდა.

და ესრედ მას ჟამსა
„ემშაკი“ სტკებოდა,
რამეთუ „მათრახი“
ყოველთა სწვდებოდა.

მაგრამ დრო წარვიდა, დრო იგი ღებენისა;
„ემშაკის მათრახის“ დიდებულ დღენისა.

დრო იგი წარვიდა,
„ემშაკი“ დაჰღალდა;

„მათრახის“ კენისა
სიმწვავე გაჰგალდა.
მიწყნარდა ტკაცანი ძლიერი კულისა...
დასდუმდა ლილინი მესტვირის გულისა.
განშორდა „ემშაკი“
დარაზმულ ძალებსა,
მით ძილი ეუფლა
მრისხანე თვალეებსა.

და აღსდგენენ ორგულნი ქირთ უნახველად;
ეკვეთენ ჯოჯოხეთს, ვითარცა ძველად.

ამხედრდენ ჩვენზედა
სიწმინდის შვილები!
მოდიან ერით,
ხმალ ამოწვდილები.

ძლიერნი არიან მტერნი და ორგულნი,
აწ ჩვენთა სამთავროთ საზღვრებად მოსულნი.

ძლიერნი არიან
სამოთხის შვილები...
გარნა თუ ეშმაკთან
არ გასამხილები.

და აჰა, ვაცხადებ **მ ა მ ბ ი ლ ი წ ა ც ი ა ს . . .**

კვლავ ვუხმობ საომრად ეშმაკთა ნაცის!
კვლავ ბრძოლად გავიწვევ
თითო ვაჟს ქულზედა,
რომ ფიცი მიიღონ
«მათრახის» კულზედა.

აღზდევით, მოძმენო, აწ ძილი გვეყოფა;
დრო არის განმტკიცდეს ეშმაკთა მეფობა.

აღზდევით, ვითარცა
გვჩვევია ძველად
და ბრძოლის ყიყინა
მოვფინოთ ველად.

მოვეუხმობ ერთბირად: ყრმათა და ხნიერთა;
მოვეუხმობ საომრად მამდართ და მშიერთა;

მოვეუხმობ «ლანდშტურმებს»
მოვეუხმობ «ლანდვერებს»
ხალისი ბრძოლისა,
ვისაც ვერ აჩერებს.

მოვეუხმობ დიაცთა (დებს მოწყალეებისას)
ლომაზებს, ჯანსაღებს, ოციოდ წლებისას.

მოვეუხმობ დოსტაქრებს
და ექიმ-ბაშებსა
«ზაპასში» გარდასულ
ღენერლებს, ფაშებსა!

მოვეუხმობ მღვდელ-მთავრებს, პატრებს და მოლოებსა,
ბობოლა მოხელეთ, მათ რძლებს, მათ ცოლებსა,

მოვეხმობ ყოველთა,
 სად გული კი გულობს,
 ვინც ჩვენი მომხრეა,
 ვინაც არ ორგულობს.

ჩვენ არ გვსურს დაპყრობა სამოთხის მხარისა!
 ჩვენ არ გვსურს მოსპობა ანგელოზთ ჯარისა!
 ჩვენ არ გვსურს სისხლის ღვრა
 და რბევა ძლეულთა...
 გვსურს უკუ ბრუნება
 მტერთ შემოსეულთა.

ჩვენ ვილტვით, შევმუსროთ მტრის მილიტარიზმი,
 რომ ქვეყნად გამეფდეს «მათრახის ტარიზმი»
 ჩვენ ვილტვით კულტურა
 მოვფინოთ სხვა ხალხთა,
 ჩვენს დაბლა მდგომარეთ
 და ჩვენზე მაღალთა.

ჩვენ ვიცავთ ჩვენს ბაზარს, ჩვენს ინდუსტრიასა:
 სპილენძის სამოვრებს, ქერსა და შვრ-ასა!
 ჩვენ ვიცავთ დაჩაგრულ
 ერების უფლებას,
 ჩვენ ვეტრფით «მათრახით»
 წყლულთა მათ კურნებას.

მაშ აღზდგეს ყოველი ეშმაკის მოგვარე:
 დღეს უნდა ჯოჯოხეთს მცველი და მოყვარე.
 ვეკვეთოთ, ვითარცა
 გვწვევია ძველად,
 და ბრძოლის ყიჟინა
 მოვფინოთ ველადა.

ფრთას ჩვენსას, მარცხენას, «თავუნა» განაგებს;
 ნაცადი ხელია, ბრძოლას არ წააგებს.
 ნაცადი ხელია,
 ქირშიგან ჩვეული
 ჯერ არსად გვინახავს
 მტერთაგან ძლეული.

მარჯვენა ფრთაზედ კი «ბლიკვაძე» გვიდგია,
 იმისი იმედით უზომოთ დიდია.
 დიდია, რამეთუ
 აქვს ბრძოლის ხალისი
 (ეშმაკთა სამეფო
 მოწმეა ამისი!)

ცენტრს თითონ ჩავდგები დანარჩენ ძალებით...
 დე ტყვიამ გაგვგმიროს, ნუ შეგებრალეებით...
 ჩვენ ვიცავთ ჩვენს მამულს,
 ჩვენს ინდუსტრიასა,
 მათრახს და ბორკილებს
 ქერსა და შვრისას.

ეშმაკი

სიკვდილი.

(აკაკის მიზაძეა)

მაშ ეს ყოფილა სიკვდილი!

თვალები დახუჭული მაქვს, მაგრამ ვხედავ; გუ-
 ლი აღარ მიძგერს—და ვგრძნობ კი; გონებაც ისევ
 თავის რიგზეა, მხოლოდ სხეული დამდუნებია: ადგო-
 მა მინდა—ხელ-ფეხს ველარ ვანძრევ, ხმის ამოღება
 მსურს—ენა არ მემორჩილება...

რა გაეწყობა! როგორც ჰხედავთ, ძალაუნებუ-
 ლი მეთვალყურე შევიქენი და ვუყურო მინც, რაც
 ჩემ გარშემო ხდება!...

ცოცხალ მეთვალყურისაგან მით განვსხვავდები,
 რომ ყველა გრძნობები უაღრესათ გამიმახვილდა:
 წარმოიდგინეთ, კედელს იქითაც ვხედავ და ადამია-
 ნის ფიქრებსაც ისევ ვკითხულობ. თითქო ქაღალდზე
 იყოს დაწერილი...

რა რომ მოვკვდი, იმ წუთიდან დაწყებული,
 ჩემი სახლი სხვა და სხვა ჯურის ხალხითაა სავსე:
 დიდი და პატარა, ერი და ბერი, თავადი და გლე-
 ხი, ქალი და ვაჟი, ქვეიანი და სულელი, სწავლუ-
 ლი და უციცი, მდიდარი და ღარიბი, კარგი და ავი
 —ყველანი ბუზებივით ირევან და ისევ ექცევიან
 ურთიერთს, თითქო დიდი პატივი და სიყვარული
 ჰქონდესთ ერთმანერთის.

—ნუ თუ ამხდა ნატვრა, „ჩონგურის სიმე-
 ბი“ „შენმტკბილდენ“ და ჩემი სანუკვარი ერთობა
 დამყარდა საქართველოში? ვფიქრობ მე.

—მაშ მე ვყოფილვარ ქვეყნის ამრევ-დამრევი,
 ქიშხისა და უთახმოების მთესველი, რაკი —მოვკვდი
 თუ არა, მყისვე შეწყდა დავიდარაბა და კაცთა შო-
 რის სათნოება დაემკვიდრა!

—თუ ასეა, რატომ აკვანშივე არ მოვიკალი
 თავი?

მაგრამ არა: არც ასე ყოფილა საქმე! ცოტა
 უფრო გულდასმით ვუკვირდები გარემოებას და
 შემდეგ ვამჩნევ: ეს თანხმობა და ერთმანერთის პა-
 ტვის ცემა მხოლოდ მაშინ სუფევს, როცა ჩემ ცხედ-
 რის გარშემო არიან შეგროვილნი, და გავლენ თუ
 არა გარეთ ან მეორე ოთახში, წამსვე ჩვეულებრი-
 ვი ყაყანი და აურზაური ატყდება ხოლმე.

—არა, ესენი ისეთი ჯურის ხალხი ყოფილან,
 რომ ნიადაგ მიცვალებული უნდა ესეენოს ცხვირწინ,
 თორემ სხვაფრივ ამათი შერიგება ყოვლად შეუძ-
 ლებელია, ვფიქრობ მე.

ახლა რაზე აქვთ აყალ-მყალი:

შემდგარა ბარე ოცი ეგრე წოდებული ჩემი
 „დამკრძალავი კომიტეტი“, და თითოეულ მათგანს

თავ-თავის დღე დაუნიშნავს ჩემ წასასვენებლათ და დასაკრძალავათ.

გამოდის, რომ ოცჯერ უნდა დავიკრძალო!

ამას კი ჩემის აზრით ვერცერთი მიცვალებული ვერ გაუძლებს.

ბოლოს ორი აზრი იმარჯვებს: ერთი — თბილისის კომიტეტისა; რომელსაც უნდა რაც შეიძლება გვიან წამასვენონ თბილისში, მეორე — ქუთაისის: ამის სურვილია, თუნდა ამ წუთშივე გამგზავნოს ჩემ სახლიდან. ეს ორი აზრი ვერას გზით ვერ რიგდება, და ყველა კომიტეტი ორ ბანაკათ იყოფა:

ქუთაისის კომიტეტი და მისი მომხრეები ცდილობენ, რაც შეიძლება ადრე მომიშორონ თავიდან, ხოლო თბილისისას რატომღაც არ სურს ჩემი თბილისში წასვენება და საქმეს აქიანურებს.

ერთი შემძლოს წამოვდგე და ვუთხრა ჩემ დამკრძალავ კომიტეტებს:

— ბატონო დამკრძალავებო! იქონიეთ ცოტა კრძალვა და თუ მართლა მკრძალავთ, ისევ ისე დამკრძალეთ, როგორც მე მსურდა და გამოვთქვი კიდეც ჩემ ანდერძში: აქვე, ჩემს სოფელში...

მაგრამ ამ დროს მაგონდება, რომ დღეს ყური მოვკარი, ვაზეთში კითხულობდენ; გიგო დიასამიძისათვის თურმე მითქვამს, თუ ხალხის სურვილი ჩემს ანდერძს არ შეეთანხმება, ვთხოვ-მეთქი, და რაღა გაწყობა: უნდა დავთხო კიდეც, თუნდაც სულ დაუკრძალავი დავჩე...

აყალ-მაყალი ცხრება და ჩემი სტუმრები ჩემს სამუშაო ოთახში შედიან.

როგორც სტუმართმოყვარე იმერელ მასპინძელს შევფერის, ერთ-ერთ ჩემ ნების ამსრულებელთაგანს ჩემი სამუშაო ოთახი დაუტლია: გამოუტანია ჩემი სამწერლო მაგიდა, სკამი, ტახტი და სხვა ავეჯი, გაუშლია ვეებერთელა სუფრა და ზედ ლაღის ფერი მალღარით სავეს ბოთლები ჩაუმწყრივებია.

მე, რა თქმა უნდა, სავსებით მესმის ჩემ ერთგულ მენადრძის მიზანი:

სტუმრები რომ დანაყრდებიან და ჩემს შესანდობარს გადაჰკრავენ, მენადრძეები მაშინვე ბრძანებას გასცემენ, ის ოთახი, სუფრა, დატლილი ბოთლები და ნასუფრალი იმავ მდგომარეობაში დასტოვონ სამუდამოთ, და არაფერ ხელ არ ახლოს და გაანძრიოს არც ერთი ისტორიული ნივთი, დაჰკეტავენ ოთახს და დარაჯებსაც მიუჩინენ.

ხოლო, შემდეგ, როცა ვინმე ცნობის მოყვარე ქართველი ესტუმრება ჩემეულ სახლს და სთხოვს, ჩემი სამუშაო ოთახი დაათვალიერებინონ, გაუღებენ კარს, მოკრძალებით შეიყვანენ შიგ და ყველაფერს დაწვრილებით აუხსნიან:

— აი, ბატონო, კალმახის ხერხემლის ძვალი, ვარდენ ღვანკითელს რომ გაეხირა ყელში და კინალამ დაახრჩო ჩვენი სასიქადულო პოეტი.

— ეს ვახლავთ ქიქა, რომლითაც ობშვეითის დეპუტატი მიირთმევდა აკაკის შესანდობარს... ჰხედავთ, კიდე ჩამომტვრეული აქვს: მეცხრე ჯერ რომ დასცალა, რაღაც მიზეზით ხელი აუცანცახდა, გაუვარდა და პირიც მაშინ ჩამოემტვრა.

— ეს ლაქა, ბანოჯის დამკრძალავ კომიტეტის თავმჯდომარეს რომ ღვინო დაეღვარა, იმის ვახლავთ...

და ცნობის მოყვარე ქართველი, აკაკის სამუშაო ოთახის ნახვისაგან სრულიად კმაყოფილი, დიახ მადლიერი დაბრუნდება თავის სახლში...

(შემდეგი იქმნება)

უფრო.

აკაკის ნახვესები

ერთხელ ერთი ქართველი არტისტი, რომელსაც თეატრი ძალიან უყვარდა, მაგრამ ხშირათ ფრიად უგემურათ თამაშობდა, ეუბნება აკაკის:

— ვერ წარმოიდგენ, რა ნაირად მიყვარს სცენა: როცა მე არ ვთამაშობ და სცენას ვუყურებ, სულ ჟრუანტელი მივლის ხოლმე.

— წარმოიდგინე, მეც ამ მდგომარეობაში ვარ, უნასუნა აკაკიმ.

— შენ რათა? ჰკითხა გაკვირვებულმა არტისმა.

— შიშისაგან, მიუგო აკაკიმ.

— რისა გეშინიან?

— იმისა, ჩემო კარგო, რომ სცენაზე კარი არ გაიღოს და შენ არ შემოხვიდე.


სასტუმროში ერთმა ადვოკატმა ძეხვი მოითხოვა. ბევრი ეწვალა და კანი ვერ გააყალა. გულმოსულმა ადვოკატმა იკითხა:

— არ გიკვირთ, რომ კანი არ ძვრება ამ ძეხვაში?

— ეგ არ მიკვირს, — მიუგო იქვე მყოფმა აკაკიმ, — ის კი გასაკვირველია, რომ ადვოკატი ხარ და ტყვის გაძრობას ვერ ახერხებო.

ერთხელ არა ახოვანი ტანის პატრონი ბ. ქ-თა ამბობდა ვილაცხე: ისე გამაჯავრა, რომ კინაღამ გავარტყი. თუ არ გავარტყი, მარტო მისთვის რომ...

— ახლო სკამი არ იყო, ზედ შემღვარი ყავიო, დაუმატა აკაკიმ.



გ უ შ ი ნ.

აკაკის ნაკვეთები

ერთხელ აკაკის უთხრა ერთმა ძველი თაობის კაცმა, თ. ა. ნ.

—ათასი რომ გვაგინოთ, ისევ თუ რანიმე ვართ, ჩვენ ვართ: უჩვენოთ თქვენ არად ივარგებთ, ჩვენ რომ მოგვკვდებიოთ, თქვენ მშრალზე დარჩებითო.

—მადლობა ღმერთს, მიუგო აკაკიმ: ახლა თქვენთან კინკულოში ვართ და მაშინ კი მშრალში ვიქმნებითო.

რა არის, რომ საქმის გარჩევის დროს მსაჯულთ მუნდირი აცვიათ, ადვოკატებს—ფრაკები და დამნაშავენი კი უფრო ხშირად შიშვლები¹ არიანო,² ჰკითხეს ერთხელ აკაკის.

—ეს იმას ნიშნავს, რომ საქმის გარჩევა მსაჯულებისთვის სამსახურია, ადვოკატებისთვის—ბალი და დამნაშავეთათვის აბანოა. მიუგო აკაკიმ.

აკაკი მასკარადში იყო. მოწყენილი და დაღრემილი დადიოდა.

ერთი, ბებერ დედაკაცად ჩაცმული მასკა აეკვიტა და საშველს არ აძლევდა.

—რას მოგიწყენია, პოეტო, წამალი მე ვიცი და მითხარი შენი გულის დარდებიო.

—არა, ჩემო კეთილო, ძველის აფთიაქიდან მე წამალი არ გამომაქვსო, უპასუხა პოეტმა.


გრიგოლ დადიანმა მიიწვია სადილათ აკაკი და თავის მამულის, «კოლოშის», ღვინო დააღვინა.

—როგორ მოგწონს, აკაკი, ეს ღვინო?

—ეხლა, ბატონო, კახური მირჩენია, მაგრამ ზამთარში კი კალოში უნდა სჯობდესო, მიუგო აკაკიმ.



ს ს ე ს.



ს ე ა მ ე

მელია და მექათმე

(არაკი)

შეეჩვია ერთ საქათმეს
გაქუცული კულა—მელია
და ქათმები უმოწყალოდ
ამოავდო, გაანელა.

ჯერ დედლები დაითრია,
დანაბოლოს, ყვინჩილები...
გაიკეთა გზა ჯაგნარში
ქათმის წასაჩინჩილები,
და დიღ დიღას, ხან საღამოს
თვე გავიდა ისე სამი,
რომ ყოველ დღე მოდიოდა,
არ გააჩნდა დრო და ქამი.
როს მექათმემ ამომგდები
ვერ იხელთა ვერას ყოფით,
რომ ძაღლებით დაეწიწა,
ან მოეკლა იგი თოფით,
გზაში მახე მოუშართა
წუწკს და მავნეს ამოდენას,
და სასუნგათ ხორცი მკირე
წამოუგო მახის ენას.

როცა მელას მოეშივა
და აუტყდა მადის ფხანა,
საქათმისკენ გამოსწია,
რომ ქათამი წაეყვანა,
გზაში უცებ ხორცს წააწყდა.
გაუბრწყინდა მსუნავს სახე
და ეძგერა სულწასულმა,
ველარ შეამჩნია მახე.
მარა თქვენს მტერს იმისთანა;
«ტაკო» დაჰკრა მახემ მაგრა
და მელია იქვე ხელად
გააკავა და გაძაგრა.
როცა იგრძნო მელამ, რომ მას
აღარა აქვს გასაქანი,
და, საცა უმოწყალოდ
აეწვება ზურგის კანი,
ჩაჯდა: (ან კი საღლა წავა)
აუძგერდა ჯავრით გული
და მექათმეც წამოადგა
ამდროს, კეტ მოღვრებული:
—მეგობარო, უთხრა მელამ
კეტ მომართულ იმ მექათმეს:
—ეგ კეტი რომ მოვიმართავს
ხომ არ ფიქრობ შენ ცულ რამეს?

შენც ხედავ, რომ აქ დაგიხვდი,
დაგიცადე, არ წავედი.
და რომ ამ გზით გავიარე
ეგეც კიდე შენი ბედი.
როგორ მოვხვდი უცხო მხარეს,
ამ წარა გზით, მიკვირს მეც ეს...
(თუ გიყვარდე მაგი კეტი)
ძირს დაუშვი, არ დამეცეს)
მივდიოდი ჩემთვის ჩუმათ,
ვემალოდი მინდორ ველებს...
(«რა ვქნა»), მისთვის ამბობს განზე,
(«ეგ კეტი კი მომინელებს»)
ენახე რაღაც აქ დადგმული,
ასაწყობი, დასაკეტი...
(კაცის გული სასწორია,
ნუ გაქვს მოღვრილი კეტი.)
შიგან ხორცი დავინახე,
და მივუჯექ მას საცავად...
(კეტი დაბლა ჩამოუშვი;
არ დამეცეს თავის თავად.)
სხვას რომ არ ვის შეეკამა,
თორემ მე ხომ არ შეეკამდი...
(მაგ კეტს რომ ხელს გაუშვებდე,
ღმერთმანი რომ კარგს იზამდი.)
და რომ ხორცი მთელად დავხვდა,
ამას შენი თვალით ხედავ...
(ჩუმათ ამბობს: «სად ვილუბე,
მოდით, ნახეთ, ვაი დედავ!!!»)
სხვა რომ ვინმე ყოფილიყო
შენს ადგილზე და შენ არა,
ქურდობასაც დამწამებდა,
ეგებ სისხლიც დაეღვარა,
მაგრამ... —რაო? რამეგრაო!!!
რას ქახრაკობ, წუწკო შენა?
სანამ გინდა არაკუნო
გამოქნილი ფლიდი ენა?
რა რეაშია უცხო მხარე,
ხორცის ქამა, ხორცის დაცვა,
ნდობა, ძმობა, მეგობრობა,
კულის ქნევა და სხვა და სხვა???
საქმე ქათმებს შეეხება...
შენ ხრიკებს კი ეგ დაქირვა.
ამით მიხვდი გამოვიდა,
შენი ლოცვა, შენი წირვა.
უთხრა ეს და მოუქნია
მოღვრილი მადლით კეტი
და თქვენს მტერსაც ნუ გაეძლოს,
ვით იმ მელას, იმის მტერი.

ქურდს რომ თხლეზე დაიპერენ
დიდი ხნიდან გასაბაწრავს,
მას სურს თხლეზე გამართლება,
ლინოზე კი კრინტს არ დასძრავს.

ა. ბლიკვაძე

ცხელ-ცხელი ანუ...

სამი რამ ამშვენებს კაცს: მარილიანი სიცილი,
ტკბილი ხმა და მოხდენილი სიარული. ამაებს მე
სამივეს მოკლებული ვარ...

სამი რამ ამხიარულებს კაცს: საიდუმლო ტრფი-
ალი, მველალების გასტუმრება და მონობიდან
თავის გამოხსნა. ესეები ჯერ მე არ მღირსებია!!

სამი რამ სჩაგრავს კაცს: პირველს ვერ ვიტყვი,
მეორეს არ მათქმევინებენ და მესამეს ვერ გავბე-
დავ: სსუო!!! სსუო!!! და სსსუსსო!!!

და მაშ რაღა არის ეს ჩემი სიცოცხლე? — მიკ-
ვირს, ან აქამდე როგორ გავქელი? მაგრამ გაკერ-
პებული იმედი ისე შემტკიცებია ამ ჩემ გლახ — გულს
რომ საფლავეშიც კი უპირებს ჩაყოლას; ვერც ჭაღა-
რით მომიშორებია და ვერც ნიკრისის ქარებთ გა-
მიდენია. მაგრამ იმედი ხომ მისი წარმოდგენაა, რაც
ცხადად გვაკლია?.. დიან თავის მოტყუება! და მაშ
რაღა სიცოცხლეა? „ვაის“ მოედანზე გავსულვარ და
„უის“ ტახტზე ვზივარ. არა, არა!.. ისევ სიკვდილი
სჯობია! უნდა დავიხრჩო თავი; მაგრამ, დაღაზვროს
ღმერთმა, არკი აქაც ხელი მეშლება: მტკვარი ამღვ-
რეულია და გამაჩირქიანებს; ზღვა მარილიანია და
თვალებს დამწვავს! ვეღარ ვახერხებ თავის დახრ-
ჩობას!..

არავინ იცის სხვა საშვალეობა რამ, მირჩიოთ და
ამ სოფელს მომაშოროთ როგორმე?..

უჰ! უჰ! ღმერთო ჩემო! რამდენი მეგობრები
მყოლია და აქამდე არა მცოდნია!..

ყოველის მხრით ათასობით მეგობრულად მი-
ჩვენ და მასწავლიან სხვა და სხვა საშვალეობას: ყო-
ვლად უსასყიდლოდ მზად არიან, რომ მეგობრულად
მემსახურონ ამ შემთხვევაში. აი, პატიოსანი კაცები!

მე რაღა მეთქმის? ღმერთმა გადაგიხალოთ, ჩე-
მო მეგობრებო, სამაგიერო! ბევრი გზა მიჩვენეთ
თავის მოსაკლავი; მაგრამ ვაი რომ ვერც ამაებით
ვსარგებლობ: სულ სხვა და სხვა საშვალეობებს მი-
ჩვენ; ერთის თუ დავიჯერე სხვებს ხომ გული
დასწყდებათ? და რომ არცერთს არ ვაწყენიო, ისევ
ასე დავრჩები: არ მოვიკლავ თავს!

რა გაეწყობა! სჩანს არა ვყოფილვარ ღირსი

და ისევ უნდა ვიხეტილო აქეთ-იქით დღეის იქით-
თაც!..

მაგრამ ხელობა რა ავირჩიო მისთანა, რომ
გულს ვადაყარო? მგონი ვერაფერი!.. ჰე, მგონი
ისა სჯობს, რომ ვიარო ამ წუთი-სოფელში, ვათ-
ვალეირო ხალხი, და რაც შეენიშნო, დავიყვირო
სახალხოთ.

პირველათ კი ჩემი თავიდან უნდა დავიწყო,
დაუზოგავათ უნდა შევაქო და მერე თუ სხვებზე-
დაც რამ წამომცდეს, ნურას უკაცრავად! ჰე გამოვ-
სულვარ, და ვინც პირველი შემხედება, იმას მიმარ-
თავ! აი, შემხედა პირველათ ვირი... მე აქ მართლა
ნამდვილ ვირზედ მოგახსენებთ, სახედარზედ, — ხუმ-
რობით არ ჩამომართვით! ვხედავ — მოდის ნელა-ნელა,
ფილოსოფურად და მეც მსურს ჩამდენიმე სიტყვა
მეგახსენო ამ პატიოსან ქმნილებას:

ს ი ტ ყ ვ ა.

ჰოი, შენ, პატიოსანო ვირო! იაფო და ხში-
რო! საწყლე — სანახშირო; ნეტავი შენ, რომ ბუ-
ნებას მაგრე შეუმიხიარ: ფეხები პატარა გაქვს, მა-
გრამ დიდფეხიანებზე კი უფრო სწორა დადიხარ! ყუ-
რები დიდი გაქვს; მაგრამ პატარა-ყურებიანებზე კი
უფრო ნაკლებ უგლებ ყურს ათასგვარ ქორებსა და
მანქანებელ-სიტყვაობას. ხმა მაღალი გაქვს, მაგრამ
ხშირად კი მაინც არ ჰყვირი, მაშინ, როდესაც უფ-
რო დაბალმიანებისაგან ყურთასმენა აღარა გაქვს.
დარწმუნდით, უ. ვირო, რომ თქვენსავით მაღალი
ხმა ზოგიერთსა ჰქონდეს, სხვა და სხვა გვარ რჩე-
ვა-ბაასობის დროს, მეორედ მოსვლის საყვირს დას-
ცემდენ...

და რაც შეეხება შრომას, ვხედავ, რომ მოცა-
ლებაც არა გაქვს. მე კი უსაქმურათ აქეთ-იქით და-
ვენებები;

ეჰ, რაღა ბევრი ვილაპარაკო: მე შენ ვერ
მოგწვდები, უნდა შენ წინ თითი მოვიკავყო. აწ კი
მშვიდობით“.

აი, შემხედა კიდევ მეორე ცხოველი — ძაღლი!..
დაღაზვროს ღმერთმა; რაღა ზედი-ზედ შემეყა-
რენ;.. აბა, ჩემო მკითხველო, ამ ძაღლსაც მიუბ-
რუნდი და მეც სიტყვას ვეტყვი:

ს ი ტ ყ ვ ა.

„პატიოსანო ძაღლო!.. ნეტავ ვინ შეგედრება
ოჯახის ერთგულებაში? ოთხი ფეხი გაქვს, მაგრამ
მაინც არსად მიდიხარ და არ შორდები იმ ოჯახს,
სადაც შენა ხარ, მაშინ, როდესაც ორფეხები კი

აღარ იცდიან: ცოლები ქმრებს ექცევიან და ქმარები, რასაკვირველია, ცოლებს!

„შენა გაქვს ბასრი კბილები, მაგრამ მაინც ისე არ იკბინები როგორც ზოგიერთი უკბილოები!..“

„და ყველაზე უფრო მომეტებული ღირსება კი ისა გაქვს, რომ ერთგული ხარ და ბეჯითი: იმ სახლკარსა და იმ ეზოს, სადაც შენა ხარ, უვლი შეუპოვრად და უძინრად უცდი! ვერ შემოგეპარება ქურდ-აფაზაკი; ვერვინ მოგატყუებს და ვერავინ მოგაპარავს! რაგინდ ძლიერი იყოს, შენ მაინც ყფვას არ მოაუშლი ხოლმე!..“

„პატივი და ღირსება შენ, ჩემო ძაღლო!.. მე კი შენზედ უფრო სუსტი ვარ და უხასიათო: თუმცა ბევრსა ვხედავ ქურდ-აფაზაკსა, მაგრამ არა თუ კბენას, ყფვასაც ვერა ვხედავ; არა, არა; მე შენზე სუსტი ვარ და შენ წინ მოვიკავებ თითს, ჩემო მურავ!“


ვიცი ზოგიერთი ამხანაგები მიწყენენ, თუ რათ ვედარები ვირსა და ძაღლსა: მაგრამ იმათ რა ენაღვლებათ: მე მხოლოდ ჩემს თავზედ ვამბობ, რომ როგორც ძაღლს, ისე ვირსაც ჩამოვრჩები და ისინი კი ჩემსავით გლახები არ არიან: ისინი ვირზედაც უაღრესი არიან და ძაღლზედაც უმაღლესები... ძლიერები არიან, სუსტი მხოლოდ მე ვარ და ჩემს თავზე ვამბობ!.. ვის რა დავა აქვს.

რომ შევადაროთ ეს ორი ზემო-მოყვანილი პირუტყვი იმ...

ჰმ... კინაღამ არ გავყარყუმი!!! ბევრს არ იამებოდა?; ტფუი! ტფუი! ტფუი!.. ეშმაკს თვალს არ უჩანს.

აკაკი.

„ახალ მათრახის“ ხელმძღვანელი სთხოვენ ყველას, ვისაც კი ახსოვს ან ჩაწერილი აქვს აკაკის ნაკვეთი და მოსწრებული სიტყვა, მოაწოდოს რედაქციას ჯერ უურნალში მოხატავსებლად და შემდეგ ცალკე წიგნაკათ გამოსაცემათ.



შ ა რ ა ლ ა

სახელათ „კოლოს“ მიხმობენ, ბზულიაძე ვარ გვარადა. მეც შემძლია, ხანდისხან ვუკბინო ვისმე მწარადა, მაგრამ არა ვკბენ, რამეთუ ვალად მაქვს ვწერო „შარადა“ ძვირფასთა ჩვენთა მკითხველთა გასატანჯ - გასამწარადა.

პირველი ნაკეთი, შარადის ასაშენ ასახიდები ერთობ უბრალო ნიეთია ჯაქვით ხეს დასაკიდები. მას ყრმანი მიჰყავს სკოლისკენ და ეკლესიად ღიდები... [სჯობს ბოლო ანბანისაგან ვიხმაროთ განაწმინდები.]

შემდეგ მოვნახოთ ადგილი სადაც სწარმოებს ვაჭრობა; სადაც ბევრია ღუქნები, იციან ტყავის გაძრობა. ზე შვაზე გავქრათ ეგ სიტყვა [სპარსული მონააზრობა] და ჩვენ პირველი ვიკმაროთ... [არ ვარგა გაუმძღრობა!]

მესამედ, სომხეთისაკენ მსურს თქვენი გასეირნება. [შორეა, მაგრამ რა უყო, შარადამ ასე ინება!] მარრი იახლე, თუ მარტოს მგზავრობა მოგეწყინება და ნახე ძველი ქალაქი, ისე ნუ დაგეძინება!

საშენებელი მასალა, მზათ არის მთელი ტანითა: ძირს საძირკველი... კედელი... და სახურავი ბანითა. მივაწყოთ ერთი-მეორეს სიგრძით და არა განითა... თან დავეფიქრეთ შენობას მკირეოდენი ხანითა.

ოჰ, ჯოჯოხეთო!! რასა გავს
 ამისი მოხაზულობა??!
 ეს გვირავია ფოლადის...
 ამას არ ეთქმის ლულობა;!!

გრგვინავს და ღმუის საზარლად
 მრისხანე გულშემზარავი
 ვერ უძლებს მკერდი სალი კლდის,
 არა თუ გლეხის კარავი.

მუსრავს და ანგრევს ქალაქებს,
 ციხეებს დაბა--სოფლებსა,
 სიკვდილსა სთესავს ხელგაშლით
 ამრავლესს ქვრივს და ობლებსა

ღღეს მეჯლისი აქვს საზარელს...
 ქუხს ღლითა... გრგვინავს ღამითა...
 და თუ, ახსენით, ნუ მტანჯავთ...
 მეც გავათავებ ამითა.

კოლო.

ომი და მისი ისტორია.

უმჯობესია პირდაპირ დავიწყოთ.
 რა არის ომი, როგორ ასეთი?
 ომი ეწოდება ისეთ სამხედრო მოქმედებას,
 როცა ორი ეროვნება, (შეიძლება მეტიც) ან ორი
 ჯგუფი ადამიანებისა ერთმანეთს ჟღერს, არბევს და
 ანადგურებს. მიუხედავად ამისა, ომი ადამიანთა
 უპირატესობას მაინც არ შეადგენს, ვინაიდან ომი
 სკოდნია: (რა თქმა უნდა მეცნიერთა გამოკვლევით)
 სპილოებს, მაიმუნებს, ძაღლებ¹, ინდაურებს, ყვინ-
 ჩილებს, ფუტკრებს, ქიანქველებს, და სხვა და სხვ.
 მაგრამ კაცობრიობის სასიკატულოდ უნდა ითქვას,
 ადამიანებმა დიდად გაიუმჯობესეს საომარი იარა-
 ღები, მაშინ როცა უკულტურო მაიმუნები, უბუ-
 ნური ინდაურები და სხვანი ღღესაც მამაპაპეული
 იარაღებით იბრძვიან. წარმოიდგინეთ, თვით ქიანქ-
 ველებიც კი არ აქცევენ მილიტარიზმს იმდენ უ-
 რადღებებს, რამდენსაც თვით უჩამორჩენილესი ევრო-
 პის სახელმწიფო.

გავიგოთ ომის საგანი. ცნობილია, რომ ინ-
 დაურთა, მამლაცინწათა და სხვა მის შავვართა ომი
 ყოველთვის რომანიულ ნიადაგზე აღმოცენდება
 ხოლმე, მაგრამ ეს საზომი არ უდგება ადამიანთა
 და მაიმუნთა ომებს. აქ ომს უმეტეს ნაწილათ ეკო-
 ნომიური სარჩული აქვს, ხშირათ კი დინასტიური:

უფრო ღრმა მკვლევართა აზრით „ომი ხდება სისხ-
 ლით სულის განსაზანათ“.

თითქმის ისე, როგორც ტანთსაცმელი, არის
 ომი საშინაო და საგარეო. იმას, ვინც ომის ღრმს
 განზე დგას და ბძოლაში მონაწილეობას არ იღებს,
 ნეიტრალიტეტი უჭირავს. ომის გამოცხადების წინ
 დიპლომატები მართავენ კონცერტს და აგზავნიან
 ნოტებს. უკანასკნელ ნოტას ულტიმატუმი ჰქვია.

ომის უკმდეგ დამარცხებული და განადგურე-
 ბული ერი იხდის ფულს, რომელსაც კონტრიბუ-
 ციას ეძახიან.

ზირველი მსოფლიო, ანუ საერთაშორისო ომი.

როგორც მოგეხსენებათ. ქ-ნმა ევამ, სამოთხეში
 ყოფნის დროს, აკრძალული ვაშლი მოიპარა, ნახე-
 ვარი თითონ შესჭამა და ნახევარიც ადამს გადასცა.
 მოგეხსენებათ ისიც, რომ ეს სამწუხარო საქმე გა-
 მოიწვია ეშმაკის პროკუკაციამ. მაშინ რო დღევან-
 დელი პირობები ყოფილიყო, თითქმის ყველა ჩვენ-
 განი აქ გერმანიის ჯაშუშთა ხელს დაინახავდა.

ადამისა და ევას შეცოდება მთელი კაცობრი-
 ობისათვის საბედისწერო გამოდგა. მთავარ-ანგელო-
 ზომა მიხეილმა, ცეცხლის ხმლით შეიარაღებულმა,
 მეღვარი იერიში მიიტანა მათზე და იძულებული
 გახდა ცულქმარი საოთხიდან უ ან დაეხიათ. ისი-
 ნი გაავგრდენ იქვე, ედემის*) ახლო, წინასწარ არ-
 ჩეულ პოზიციებზე.

აქ მათ შეეძინათ ორი შვილი, კანინი და აბელი,
 რითაც კაცობრიობის რიცხვმა 100% იმატა. მიუ-
 ხედავად იმისა, რომ მიხეილ მთავარ-ანგელოზი
 ედემის კარებს არ გამოცილებია, ადამი და ევა მა-
 ინც რევანშზე ფიქრობდენ და სამოთხის ასაღებათ
 ემზადებოდენ. მალე შვილებიც წამოიზარდენ და
 მათი მსოფლ-მხედველობა აშკარა შეიქნა. კანინი,
 შავ-რაზმელი გამოდგა ხოლო აბელი კადეტური
 მიდრეკილებისა. ის ხვეწნა მუდართა და მსხვერპ-
 ლის შეწირვით ფიქრობდა ედემის დაბრუნებას. ყო-
 ველ დღე ძღვენი მიჰქონდა და უქვემდებარეობის
 გრძნობებს უცხადებდა მიხეილს, თუმცა ედემში
 მაინც არ უშვებდენ.

ერთ მშვენიერ დილას, როცა აბელი ჩეულებ-
 რივ შესაწირავს ამზადებდა, იქვე ბუჩქებიდან გამო-

*) მოქვიფე თავად-აზნაურთა საყურადღებოთ ცაცხა-
 დებთ, რომ ეგ ის ედემი არ არის, რომელიც ვერის ბოლო-
 ზე ძვეს, და სადაც ისინი თავის ქონებას ფლანგავენ.

იქრა დიდი კეტი: შეიარაღებული კაინი, იერიში მიიტანა აბელზე და მოჰკლა იგი. ეს ამბავი ჯღვის სისწრაფით მოედო მთელ კაცობრიობას [ვინაიდან მაშინ ომის ამბებზე ცენზურა არ არსებობდა] და გულის სიღრმეში აღაშუოთა ის. როგორც ხედავთ აქ მოხდა ვერაგული თავდასხმა, რომელსაც წინ არ უძღოდა არც დიპლომატთა კონცერტი და არც მთავრობათა ულტიმატუმი. ამგვარათ პირველ ომშივე დაირღვა საერთაშორისო უფლება ბრძოლისა და ერთის დაკვრით განადგურდა მთელი არმია.

აღსანიშნავია ის გარემოება, რომ კაინი მილიტარისტი გამოდგა და ბრძოლაში გამოიყენა ჯერ არვისგან ხმარებული იარაღი—კეტი. ჩვენს დროში კეტით იბრძვიან მხოლოდ „დვორნიკები“ და ჩამორჩენილი გლეხ-კაცები, ძველათ კი კეტი არც ისე დასაბრკილებელი საგანი იყო. რუსის გლეხ-კაცობამ ამ იარაღის შესახებ მშვენიერი ეროვნული ჰანგიც შეჰქმნა— „დუბინუშკას“ სახელწოდებით. (შემდეგი იქნება)

აკაის ნაკვეთები.

ერთი ჩვენებური პედაგოგი ლექსების წერაიაც ეტანებოდა. ზოგს «დროებაში» აბეჭდინებდა, მეტი წილი კი დაუბეჭდავი ჰქონდა რვეულში ჩაწერილი და თავის კარგ ნაცნობებს უკითხავდა. ერთხელ აკაკიმ ამ პედაგოგს ცხენი სთხოვა. მახლობელ სოფელში წასასვლელად. ცხენი ათხოვა პედაგოგმა და თან თვისი ლექსები გაატანა—ლამე გადააუვალე-რეო. ცხენი ვერ გამოდგა ბედაური. როცა აკაკი დაბრუნდა, პედაგოგმა ჰკითხა:

—როგორ იმგზავრე, აკაკი, ლამე როგორ გაატარეო?

—რა გითხრა ძმაო: დღე შენმა ცხენმა დამტანჯა და ლამე შენმა ლექსებმაო?

ერთხელ, ერთ წვეულზეაზე, საცა აკაკიც იყო, მასპინძელს ღვინო შემოეღია და ნელნელა, სხვა უფრო მდარე ღვინოების ღვინო შეაბარა: მთვრალეები არიან და მაინც ველარ მიხედებიანო. ქეიფი რომ თავდებოდა და ჯერი მასპინძლის სადღეგრძელოზე მიდგა, აკაკიმ აიღო—ქიქა და სთქვა:

—ღმერთმა ადღეგრძელოს ჩვენი ანტიქრისტეო!

—როგორ თუ ანტიქრისტეო!.. ვინ არის ანტიქრისტეო? გაკვირდა ყველა.

—ვინა და ჩვენი მასპინძელი: ქრისტემ ხომ წყალი ღვინოთ აქცია, ჩვენმა მასპინძელმა კი ღვინო-წყალათო განმარტა აკაკიმ.

ერთი ყმაწვილი კაცი სადილათ მეგობართან იყო. მარჯვნივ უჯდა აკაკი, მარცხნივ ერთი ტრტინა ყმაწვილი კაცი. ყმაწვილ კაცს უნდოდა ეთქვა, რომ მარჯვნივ ბუღბუღი უზის და მარცხნივ კაქკაქო და იკითხა: რა მანძილი არის ბუღბუღსა და კაქკაქს შორისო.

—ბევრი არაფერი, უთხრა აკაკიმ. შუაში მართო ერთი ბაიყუში უზისო.

არჩვენების დროს ზოგიერთი აბეზარა კენქოსნები ჰყვიროდენ: „კენჭი მოგვეციო, კენჭი, კენჭმა უნდა გავგვასწოროსო“

—ნეტავი თქვენ კი გასწორდებოდეთ, და ვინ ოხერი ან ლოდს დაიშურებსო, შენიშნა აკაკიმ.

ახალი „მათრანის“ ფოსტა.

1 თბილისი. გ. რ—ძეს. თქვენი, პესსიმიზ-მით აღსავეს ლექსი ასე იწყება:

„გამიფრინდა სასოება
გამიფრინდა ოცნება,
გამიფრინდა გაზაფხული,
გამიფრინდა კიდეც სხვაცა...“


ლექსი, რასა კვირველია, არ დაიბეჭდება, მაგრამ ერთდროსა გულწრფელად თანაგვიგრძობთ: ალბათ ძნელია, როცა ყველა ერთბაშად გაიფრინდებთ.

2 ქუთაისი. „მგოსნუკას.“ ეს ორი კუბლეტი თქვენი პოემისა თავის სილამაზით ყველა დანარჩენათ ღის:

„მიკვირს და მიკვირს,
რატომ არ გჯერათ,
ხეუნ რომ გაველ
ლექსების საწერათ.“

მოგახსენებთ მიზეზს ჩვენი ურწმუნოებისა: არ გვჯერა თქვენი „ხეუნ“ გასელა იმიტომ, რომ ლექსი ქუთაისშია დაწერილი. მაგრამ ოღნავაც არ დავექვდებოდით, თუ რომ თქვენ ინდოეთში ბრძანებ ულიყავით.

კი.



პირველ მარტიდან

ქალაქ თბილისში

გამოდის ყოველკვირული იუმორისტული გამოცემა

ახალი მართაბი

ჟურნალის სამხატვრო და სალიტერატურო მხარეს განაგებენ ეშმაკი და თავუნა,
ხოლო გამოცემის საქმეს ა. გ. ბუკია და გ. მ. მახარაძე.

თანამშრობლები — ალბურონი, ბლიკვაძე, ეშვი, ეშმაკი, თავუნა, კენტი, კვინწარი, კოლა,
მორიელი, ნაბუქოდონოსორი, ონისიძე, პიტნა, ფონ-ტეფო, ქიქოძე შ.,
შმერლინგი, ჩიორა, ჭიაურელი, ხუმარა და სხვ.

ჟურნალის ფასი — 12 თვით 5 მ. † 6 თვით 3 მ. † 3 თვით 1 მ. 50 კ. † 1 თვით 50 კ.

„ახალ მართაბში“ დაიბეჭდება მხოლოდ იუმორისტული შინაარსის წერილები: ლექსები, მოთხრობები, ზღაპრები,
არაკები, შარადები, გამოცანები, ნაკვესები და სხვა.

ჟურნალის მახლობელ ნომრებში დაიბეჭდება საერთაშორისო
ომის საუკეთესო ილიუსტრაციები.

რედაქცია სთხოვს ყველა თანამშრობლებს, მაშალა გამოგზავნონ
ამ ადრესით:



Гифлисъ. *)
Контора „Гантиади“.
Почтов. ящ. № 21.
(ახალი მართაბისათვის).



*) ეს ადგილი კონვერტზე მარჯვნივ არის დანიშნული და გულმკვიფრად მოვადგინებთ, რომ

უმრავალწლოვანი წერილები რედაქცია არ დაიხსნის.



შებნეთ მთასა ბუმბერაზს,
 ცას მიბჯენია ლაქვარდსა,
 მალლა მზეს ესაუბრება,
 დაბლა—იასა და ვარდსა.

მის ფერდობებზე ათასი
 ვკლის გზა, ვიწრო ხევია...
 მიდიან, მაგრამ ვერვცლთან
 ჯერ არვის მიუხვევია.

რედაქტორ-გამომცემელი — ნ. დ. ფლენცისა.

Печатать разр. воен. цензурой.

Типогр. Т-ва „Прогрессъ“, Лорисъ-Меликовск, № 1.